

Minangkabau - Alkitab - Protection Scriptures

Hizkiel 3:18 - Yakobus 5:19,20 Oih sudaro-sudaro ambo! Jikok di antaro angku-angku, ado surang urang, nan indak lai ma ikuik-i pangajaran dari Jehovah, sudah tu, ado surang urang nan lain mambawok urang tu babaliak kapado Jehovah, 20 mako kana-ilah ayaik ko: Urang nan mambawok urang badoso, babaliak dari jalannya nan salah, mako urang tu manyalamaikkan jiwa urang badoso tu, dari kamatian, sarato manyababkan banyak doso di ampuni. Salam aromaik dari kami, Yakobus.

Roma 12:21 Janlah dipadiyakan diri angku-angku, dikalahkan dek nan jahek, tapi andaknyo angku-angku mangalahkan nan jahek jo kabaiakkan.

Zabur 143:8,10 - Yahya 14:26 Tapi, Roh Jehovah, Panolong nan ka di utuih dek Bapak ateh namo Ambo tu, Baliau lah nan ka ma aja angku-angku tantang sagalo sasuatunyo, Baliau pulolah nan ka ma ingekkan kabake angku-angku kasadonyo, tantang apo nan lah Ambo ajakan kabake angku-angku.

Zabur 94:12 - Yahya 16:13 Tapi, jikok Roh Jehovah tu lah tibo, mako Inyo lah nan ka manyatokan kabanaran tantang Jehovah, mako angku-angku ka dibimbiang-Nyo untuak mangatawui kasadonyo kabanaran. Inyo indak ka bakato dari diri-Nyo sandiri doh, tapi Inyo ka mangatokan apo nan lah Inyo danga, Inyo ka ma agiah tawu pulo kabake angku-angku, apo nan ka tajadi dimaso nan katibo.

Kiyeh 27:12 - 1 Korintus 10:13 Satiyok cobaan nan sudaro alami, adolah cobaan nan galik di alami dek manusia. Tapi Jehovah satiya padu janji-Nyo. Baliau indak ka mampadiyakan doh, sudaro dicuboi labiah daripado nan talok dek sudaro. Dikutiko sudaro ditimpo dek cobaan, Baliau ka ma agiah jalan kabake sudaro untuak manjadi kuwaik, supayo sudaro dapek batahan.

Filipi 2:15/16 Jo caro nan baitu angku-angku ka mampanampakkan, baraso angku-angku adolah anak-anak Jehovah nan indak bacacek, nan iduik sacaro tuluih sarato bana, di tangah-tangah urang jahek nan badoso. Dikutiko angku-angku manyampaikan, barito nan mambari iduik nan sabana iduik, kabake urang-urang tu, andaklah angku-angku manjadi cahayo, nan saroman jo cahayo nan manarangi dunia dek urang-urang tu. Jikok angku-angku iduik bakcando itu, mako isuak ado alasan di ambo untuak maraso bangga, tantang diri angku-angku, dikutiko Isa Almasih tibo isuak. Itulah tandonyo, baraso pajuwangan ambo indak

siyo-siyo, sarato usawo ambo ado asienyo.

**Yesaya 49:4 - Galatia 4:11 Ambo kuwatir, jan sampai jariah payah ambo
untuak angku-angku, lah siyo-siyo sajo.**

Ibrani 13:21 Mudah-mudahan, Jehovah tampaik asa aman santoso tu, malangkok-i angku-angku jo sagalo sasuatu nan baiak, nan angku-angku paralukan untuak mangarajokan kahandak Baliau. Mudah-mudahan, jo parantaroan Isa Almasih, Jehovah mangarajokan di dalam kito, apo nan di inginkan Baliau. Andaklah Isa Almasih dipuji salamo-lamonyo! Amin.

1 Korintus 16:15 Sudaro tantunyo layi tawu jo si Stefanus, sarato jo kaluarganyo; inyolah urang-urang nan partamu-tamu, nan manjadi urang Kristen di Akhaya. Inyo sacaro jo sapanuah ati, sangajo bakarajo untuak malayani umaik Jehovah.

Filipi 1:27 Nah, nan paralu kiniko iyolah, supayo iduik angku-angku tu layi sasuwai jo apo nan di ajakan dek Injil Isa Almasih tu. Jo caro nan baitu, antah ambo layi dapek basuwo baliak jo angku-angku, antah indak, tapi ambo ka mandanga, baraso angku-angku taguah basatu, sarato bajuwang basamo-samo, hanyo untuak ciyek mukasuik, sarato ciyek ka inginan; iyolah untuak iman nan sasuwai jo Injil nan dari Jehovah tu.

1 Korintus 15:58 Dek karano itu, oih sudaro-sudaro nan tacinto, andaknya angku-angku kuwaik sarato jo taguah. Tataplah basungguah-sungguah bakarajo untuak Tuhan, dek karano angku-angku kan lah mangatawui, baraso kasadonyo nan angku-angku karajokan untuak Tuhan tu, indaklah ka tabuwang siyo-siyo.

Kolose 4:12 Salam dari si Epafras. Inyo dari golongan angku-angku juwo. Inyo pisuruah Isa Almasih, nan tatap takun badowa untuak angku-angku. Inyo sabana mamintak sangaik kapado Jehovah, supayo kayakinan angku-angku kuwaik, sarato sabana-bana lah gadang dalam iman, supayo angku-angku sacaro samparono patuah kapado ka inginan Jehovah.

Yeremia 15:20 - Roma 8:31 Apokoh nan dapek dikatokan kiniko, tantang kasadonyo tu? Jikok Jehovah dipihak kito, siyapokoh urang nan ka dapek malawan kito?

Yeremia 15:21 - Matius 6:13 Janlah dipadiyakan iman kami runtuah, kutiko kami dapek cobaan, tapi lapehkanlah kami dari kuwaso si Jahek. Angkaulah Rajo nan bakuwaso sarato nan mulie, untuak salamo-lamonyo. Amin.

Zabur 55:18 - 1 Yahya 4:4 Tapi, oih anak-anak ambo, kalian adolah miliak Jehovah. Kalian lah mangalahkan nabi-nabi palasu, dek karano Roh nan ado di kalian, labiah bakuwaso daripado roh nan ado di urang-urang nan miliak dunia ko.

Hizkiel 30:24 - Lukas 1:51 Jo tangan-Nyo nan kokoh, Baliau mampakecaikan urang nan uju, sarato mangacaukan mukasuik urang-urang tu.

Wahyu 3:18 Dek karano itu, Ambo manasiyaik-i angkau, supayo mambali ameh dari Ambo, iyolah ameh nan tulen, supayo angkau manjadi kayo. Bali pulolah pakaian putiah dari Ambo, supayo angkau bapakaian, untuak panyawok-i ka adaan angkau nan ba tilanjang, nan mamariangikkan. Bali pulolah ubek untuak ka dibaruikkan di mato angkau, supayo angkau dapek maliyek.

1 Yahya 3:17 Jikok surang urang nan bakacukuik-an, maliyek sudaronyo bakakurangan, tapi inyo indak namuah doh manolong sudaronyo tu, dima pulo ka dapek urang tu mangatokan, baraso inyo mangasiah Jehovah?

Yesaya 50:4 - Lukas 21:15 Ambo sandiri nan ka mambarikan kabake angku-angku, kato-kato sarato jo pangatawuan nan ka dikatokan, saingga indak surang juwo doh urang dari musuah angku-angku tu, nan ka bisa malawan atau manulak apo nan angku-angku katokan.

Efesus 6:10-12 Akienyo, andaknyo angku-angku kuwaik, jo kakuatan nan angku-angku tarimo dari kuwaso Tuhan, dek karano angku-angku basatu jo Baliau. **11** Pagunokanlah kasadonyo pakakeh parang, nan diberikan dek Jehovah kabake angku-angku, supayo angku-angku dapek batahan malawan aka ciluah dari Ubilih. **12** Dek karano, kito baparang indak malawan manusia doh, tapi, malawan kakuatan sagalo setan nan manguwasi jaman nan jahek ko. Kito malawan kakuatan roh-roh jahek, nan manguwasi awang-awang.

Zabur 18:39 - 1 Korintus 15:25 Isa Almasih musti tatap mamarentah, sampai tibo masonryo, Jehovah manjadikan kasadonyo musuah Isa Almasih tunduak kapado Baliau.

2 Samuel 22:40 - Kolose 1:11 Mudah-mudahan jo kuwaso dari Jehovah nan mulie, angku-angku dikuwaikan, saingga talok di angku-angku manangguangkan sagalo sasuatu, sacaro saba jo sanang ati,

Zabur 89:43 - Efesus 6:13,14 Dek karano itu, nan kiniko, pagunokanlah kasadonyo pakakeh parang nan dari Jehovah, supayo di ari nan jahek, buliah talok di angku-angku malawan sagalo sarangan musuah. Supayo, sasudah angku-angku bajuwang sampai ka akie, nan angku-angku tatap gagah basumangaik. **14** Andaklah angku-angku tatap siyap sadiyo. Pakailah kasatiyaan kapado Jehovah sebagai ikek pinggang, pakailah katuluihan ati sebagai baju basi di angku-angku.

Hizkiel 13:6 - Markus 13:22 Dek karano, panyalamaik-panyalamaik palasu, sarato jo nabi-nabi palasu, ka bi mancogok. Inyo ka mampaliyekkan tando-tando nan luwa biaso, sarato jo ka ajaiban-ka ajaiban untuak

mangicuah, jikok mungkin umaik Jehovah pun ka dikicuahnyo pulo.

1 Korintus 14:8 *Ado pulo conto ciyek lai: Jikok tarumpik di ambuih sumbarang ambuih, siya urang nan ka basiyap-siyap untuak payi ba parang?*

Lukas 10:19 *Katawuilah! Angku-angku lah Ambo agiah kuwaso supayo angku-angku dapek mamijakkan ula jo kalo, sarato jo mamatahkan sagalo kakuatan musuah, indak ado ciyek juwo doh nan ka dapek mancilakokan angku-angku.*

2 Korintus 7:10 *Dek karano, ati ta ibo nan bakcando itu, ma asiekan parubahan ati, nan mandatangkan kasalamatan. Urang indak ka manyasa doh jo kajadian nan saroman itu. Tapi sabaliaknyo, ati ta ibo nan hanyo manuruik kandak manusia, ka mambawok mauik.*

2 Timotius 2:25,26 *Inyo musti sacaro jo lamah lambuik, ma aja-i urang-urang nan suko malawan; mudah-mudahan, Jehovah ma agiah kasampatan kabake urang-urang tu, untuak batobaik dari doso-dosonyo, sarato tawu jo pangajaran nan bana. 26 Jo caro nan baitu, urang-urang tu ka sadar baliak, mako inyo ka lapeh dari parangkok Ubilih nan lah manangkoknyo, nan mamaso inyo ma ikuik-i kandak Ubilih.*

Nehemia 4:15 - Rasul 5:38 *Jadi kiniko, jo kajadian nan sarupo iko, nasiyaik ambo iyolah: janlah dipanga-pangakan urang-urang ko, padiyakan sajolah inyo. Jikok pangajaran sarato jo garakan inyo ko, barasa dari manusia, mako pangajaran jo garakan tu, ka ilang lanyok.*

Zabur 73:24 - Yakobus 1:5 *Jikok ado salah surang di antaro angku-angku, nan kurang bijaksano, andaklah inyo mamintaknyo dari Jehovah, mako Jehovah ka mambarikan kabijaksanoan kabake inyo; dek karano, kabake satiyok urang, Jehovah mambari jo murah ati, sarato jo parasaan raso ibo.*

Jeremiah 1:18 - as a defenced city, and an iron pillar, and brasen walls against evil

Zabur 76:3 - God break weapons & battle

Yeremia 6:27 - as a tower & fortress

Lewi 26:19 - God break the pride of your power; & make heaven as iron, & earth as brass: **Lewi 26:37 - no power to stand**

Deuteronomy 23:5 God turn curse into blessing

2 Rajo 19:34 God defend **Ayub 15:24 ready to battle**

1 Kronika 12:8 fit for battle **1 Kronika 12:33,38 expert in war, keep rank**